



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 137. Sixto defuncto seditioes populi Romani

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

§. CXXXVII.

Sæcul. XV.

A. G. 1484.

*Sixto defuncto seditiones populi
Romani.*

Cum Pontifex nuper defunctus summo studio Hieronymum Riarium Nepotem suum ad maximas quasque dignitates evehere studeret, inde Romani populi invidiam in se concitabat, adeo, ut pauci regiminis sui memoriam laudibus celebrarent, omnes vero eum maledictis lacefferent. Postera obitus sui die complures adolescentes arma corripunt, & in Comitibus Hieronymi palatium minabundi irrumpunt, quem cum non reperissent, & cubilia omni ferme apparatu destituta viderent, in parietes sæviunt, curtamque, quæ supererat, suppellectilem deprædantur, incondita voce clamantes, *Columna! Columna!* postea securibus palatii fenestras diffringunt, omnes in orto arbores excindunt, marmoreas columnas, quibus augustissimum hoc palatium ornatum erat, aut ictibus comminuunt, aut aliofiam deferunt. Altera die ad suburbium trans Tiberin situm contendunt, duo horrea ad oram fluminis erecta, in quæ Mercatores Genuenses magnam frumenti vim intulerant, diripiunt, duasque naves mercibus onustas, quas Mercator quidam ejusdem Nationis paulo ante ad-

vexe-

Sæcul. XV.
A. C. 1484.
vexerat, vi abducunt; Inde ad urbem reversi, eodem furore ac petulantia omnes Genuensium domos exspoliant. Eorum nonnulli ad quamdam Hieronymi villam, cui Jubileum nomen, excurrunt, centum circiter vaccas abigunt, caprimulos, porcos, anseres, & Gallinas magno in numero furantur, secumque arripiunt plurimas carnes sale conspersas unacum Parmensi caseo. Alii invadunt Ecclesiam S. Theodori, atque effraus horrei postibus omne frumentum, quod Sixtus IV. Papa defunctus apud S. Mariam novam collegerat, auferunt, & concepta, se illud longe carius hoc carente, quam priori anno venditurum. Verum Magistratus, ut seditiosorum tumultus reprimerent, ad tubæ sonitum per præconem prohibent, ne ulla deinceps domus diriperetur, indicta mortis poena legem transgressuris: Portas etiam & pontes præsidario milite firmant, cætosque Regionum Præfectos armare jubent, sicque rebus provide dispositis populum in officio continebant.

§. CXXXVIII.

Castra a Columnensibus occupata.

Cavatio. Columnenses Hieronymi fugam in rem suam vertere studiosi, castrum Cavatino recuperant, illiusque Gubernatorem